

# Aaparahamu ni Isaaki



(Baseado na passagem Bíblica: Génesis 22.1-18)

**SIM**  
C.P. 265  
Lichinga, Niassa, Moçambique

Muluku aamwiichana Aaparahamu:  
“Aaparahamu!”

Owo aahaakhula: “Miyo kiri va.”

Muluku aahi: “Omukushe mwanaa Isaaki, onamuchunaasha. Miyo kinanwooniha mwaako. Oye va mwaako vaavaa. Omuhelele mwanaa mukicho.”

Mmeelo mwaya, Aaparahamu aavinya ni Isaaki. Aavinya tho ni anamuteko awe eeli.

Naari nihiku na neeraru. Aaparahamu aahi wa anamuteko awe: “Muhale vaava. Miyo ni mmiravo nnaya iwe. Nnaya omuthamala Muluku.”

Mmiravo aahi wa apaapa awe: “Epucepuche ene ya mukicho eri woowi?”

Aaparahamu aahaakhula: “Muluku onannivaha.”

Aaparahamu aapaka nipuro na mukicho. Yoowo aamukuhavo Isaaki vasulu. Akusha mwaalo wi amwiiphe.

Mwamvayi,  
munkeelo aaloca wirimu.

Munkeelo a Muluku  
oohimala aahi:  
“Aaparahamu.”

Aaparahamu aahi:  
“Mi kiri va.”

Munkeelo aahi:  
“Ohimwiiphe mmiravo.  
Vano koosuwela wi  
onnamwiwelela Muluku.  
Weyo homwiimanne  
Muluku mwanaa



mmoharu. Nari honvaannye.”

Aaparahamu aaweha mmakhwipi. Aahoona epucepuche emakeleliwe vanipuchoni. Yoowo aakusha. Aaparahamu aahelela mukicho epucepuche. Mwanawe haakhwile ntoko mukicho.

Muluku oohimala aahi: “Miyo koohakalala vawi weyo oheera yeela. Miyo kinnoororomeliha: Kinamooreelihasha. Anamwane aa, anamwaacasha. Anamwane aya anamwaacasha. Anamwane aya tho anamwaacasha. Yaowo anamwaawerya amwiicani aa. Miyo kinamooreeliha. Mwa weyo kinamureeliha maloko oothene elapo yavathi. Weyo oheerano yeeyo koorummaaka.”



(“Mukucho” tiwi omwiipha mwaashinama oomvaha  
Muluku.)

### **Sawaakhula:**

1. Anamuteko ahayi yaakele omwaako ni Aaparahamu?
2. Isaaki aahaala wiiphiwa ni esheeni?
3. Taani aalonce wi Aaparahamu ahimwiiphe Isaaki?
4. Ni masu vakhaani, muloce echu yeeyo  
muhusenryaanyu.
5. Mukucho tisheeni?

---

#### **Ficha Técnica**

Título: Aaparahamu ni Isaaki  
(Abraão e Isaac)  
(Abraham and Isaac)

Língua: Elomwe

Ilustrações: Art of Reading 2.0

Primeira edição electrónica, 2010

Produzido por: SIM  
[lidemo.net@gmail.com](mailto:lidemo.net@gmail.com)  
C.P. 652  
Nampula, Nampula  
Moçambique

O utilizador pode copiar e distribuir a obra

